



YEYEFASI SOSO SKIN






“Masra ensrefi o saka kon fu Heimel nanga wan komandi, nanga a sten fu a Granengel, nanga a tutu fu Gado, dan den dedewan ini Krestes sa opo baka leki fosiwan. Da wi di de na libi, di tan abra, sa teki makandra nanga den ini den wolku fu miti Masra na loktu. Sofasi wi sa de alaten nanga Masra.”

(1Tes. 4:16, 17)

**A fosi lei di didibri meki ben de: «Yu no sa dede.»
(Gen.3:4) Dan wi bribi en!**

Bijna alasma e bribi en – den tan bribi.dati wi abi sili di no e dede, wan fasi, wan sei fu wi de ete, wan sei di no sa dede.

**A Wortu na tra sei de krin: A sili di sondu sa dede.”
(Eseg.18:20) A feti ini a cosmos de abra a prenspari aksi: Suma yu sa bribi, didibri noso Gado?**



Yeyesani nanga dede:

- ➔ Wan sili di no e dede.
- ➔ Dede ini a Owru Testamenti.
- ➔ Dede ini a Nyun Testamenti.



Yeyesani ini den kriboi dei:

- ➔ Marki nanga wondru.
- ➔ San den yeyesani wani.

YEYESANI NANGA DEDE



WAN SILI DI N'E DEDE

"Leki fa wan wolku e psa, fu no drai kon moro, so wan sma di go ini grebi, no e kon moro." (Yob 7:9)



Ini a aladei libi yu sa yere dati sma e bribi, dati libisma abi wan dobru natuur: skin nanga yeye (noso sili) Sma e bribi dati den tu disi, kan libi sondro fu de wan.

Ma a Wortu e leri dat sma abi dri: "yeye, sili nanga skin." (1 Tes.5:23) Ai leri owktu dati den tai nanga makandra. Geineses 2:7 e leri wi dati Gado meki wan skin, gi en libi (yeye) dan a tron wan sma. ("sma ini Hebrei "nefesh" = sili .).

Datmeki a sili na a kon makandra fu skin nanga yeye. Wi no abi wan sili, wi de WAN sili.

Te a bro gwe wi no de moro. No wan sei fu wi sabi taki a de, baka dede. A skin e dede, a yeye no de moro e'n a sili, di tai nanga ala dri, kba fu de. (Preikiman.12:1-7; Eisigiel. 18:20; Yob 7:7-9).



WAN SILI DI N'E DEDE

"Leki fa wan wolku e psa fu no drai kon moro, na so wan sma di saka go na ini grebi no e kon moro." (Yob 7:9)



Sensi sondu kon ini grontapu, Satan gebroiki sma di suku fu taki nanga den dedewan, fu kisi spesrutu koni fu now noso a tendekon.

Den sortu sma disi, di owktu e gebroiki tra sani leki, spesrutu taki fu kari yeye, tofru, sabi fu stari, wi sabi noyaso leki yeyesma.



A Wortu e leri "dati ibrisma di de nanga den sortu gwenti disi sa tron wan sani di takru na Masra ai. (Deut.18:10-12). A strafu fu disi ben de dede (20:27).

"Te wan sma taigi yu fu teki rai na yeyesma (sobu sma di e taki nanga dede), di e taki safri noso taki na so wan fasi dati yu no man ferstan bun, yu no sa aksi yu Gado? Fu sainde yu e aksi den dedewan gi den di e libi? Suku rai ini san Gado taki, den warskow nanga den getoigi fu En. Efu wan sma no e taki san Gado Wortu e taki den no abi a leti fu dei. (Yes.8:19,20)

DEDE INI A OWRU TESTAMENTI

"A no den dedewan sa prijse MASRA, a no den di go na dedekondre" (Singi 115:17)



Ala di no wansma e taki na dedeoso "wi famiri e go na hel"" someni e leri dati te wan sma dede den "bun" wan e go langa langa na heimel nanga Yeises e'n den "takru"wan" e kisi strafu noso den e waka waka. Ma san a Wortu e leri fu disi?

Wi kan prijse Gado baka te wi dede?

Singi 115:17

Den di dede sabi san e psa nanga den famiri nanga mati?

Yob 14:21

Den dedewan kan taki nanga den libiwan?

Preikiman 9:6

Wi kan tan denki baka te wi dede?

Preikiman 9:5

Wi sa man du wan sani baka te wi dede?

Preikiman 9:10

A Owru Testamenti e leri dati dede na wan dren. Wan sribi pe wi sa kmoto ini, soso te Gado kari wi kon baka na libi. (1 Kownu 2:10; 14:20; Dan.12:13).



DEDE INI A NYUN TESTAMENTI

"Baka di Yeises taki a san disi, a taigi den moro fara taki: Un mati Lasarus e sribi, ma Mi e go wiki en." (Yoh. 11:11)

A Nyun Testamenti e leri, leki a Owruwan, dati dede na wan dren, pe Yeises wawan kan wiki wi. (Yoh.11:11-14; Yoh.5:28-29).

Di a ben skrifi den sma fu Tesalonika, Pawles taigi den abra " den di e sribi "sobu den di dede kba. A taigi den dati den sa opobaka na a tweide kon fu Yeises. (1 Tes. 4:13-18). Efu Pawles ben bribi dati den ben go wantewante na Yeises te den dede, a ben sa taigi den dati prefu san a taigi den.




Taki abra dede, Pawles taki, dati den sa kisi libi baka "te a kon baka", no moro esi (1 Kor. 15:22-24) Ai taigi wi owktu "dati wi ala no sa sribi ". Den libiwan sa kenki ini wan momenti, ma den dedewan sa opo baka nanga wan kenki skin. (1Kor.15:51,52).

A opobaka na a sroto fu de nanga Yeises. Sondro a opobaka blesi libi no de (1 Kor.15:13-18). Na ini a opobaka wi sa kisi wi paiman. Dat'meki wi musu wakti a momenti dati. (1Pet.1:3-5).



**YEYE SANI
INI DEN
KRIBOI DEI**




MARKI NANGA WONDRO

"Sma o kon di o du leki den na a Mesias, noso du leki den na profeitiman. Den o du wondro e'n den o meki un si marki, suku fu kori den sma di Gado ben teki gi ensrefi." (Mark. 13:22)

Yeye sani na wan beweigi di Satan srefi e tya. A fundamenti na a sili di no e dede. Den sma di e waka na den baka e bribi dati den kan taki nanga dedewan. Sofasi, so den e bribi, den e kisi makti di psa marki, fu den.

Ala di now Gado e hori den, a ten o kon pe A sa lusu den fu du wondro, pe strei no de. Dati sa ferwondro den di e si den wondro. (Mark.13:22; 2Tes.2:9; Kon krin 7:1;13; 13,14).

Baka di den si dati sma, di ben siki fu dede, kon betre baka trutru, te wan oto stop fu no masi wi kiri, noso wi lobi m'ma, di dede, e taki nanga wi wan switi fasi, pe wi ai kan si.... Wi no sa bribi a sma di e du den wondro dati? Wi no sa bribi san wi e si nanga firi.



A enkri dyaranti na san wi sabi fu Gado Wortu. Trutru fertrow ini Yeises, sa meki wi kakafutu gi den kriboi tesi fu a feiyanti. (Yes. 8:20; Efes.6:13).

SAN A YEYESANI WANI

“Den na yeye fu didibri. Den e meki sma si marki e'n den e go na den tiriman fu heri grontapu fu tyari den kon na wan, fu go feti tapu a bigi dei fu Gado, di abi Ala Makti” (Kon krin 16:14)

San Satan wani, na fu wini a feti teige Gado. Fu poti En tiri na wan sei, fu teki En kownusturu. (Yes. 14:13,14)
Fu du disi a sa gebroiki ala sani fu wini alasma kon na en sei. Ai bigin nanga den politik makti di e tiri wi. (Kon krin 16:12-14).

“A moro bigi sani ini a bigi toneil fu kisi sma, Satan sa sori ensrefi leki Krestes” (Grote strijd kap. 39).



Ma na momenti dati Yeises o tyari wan kba na a tori. (Kon krin 16:15) Satan lasi kba. A lasi fu Krestes nanga den di hanga steifi na en brudu. (1 Yoh. 2:14 ; 4:3,4; Kon krin 3:21; 5:5; 12:11).

A bigi marki fu den di de teige a kori fu den di de nanga den yeye sani na: “den e hori den komandi fu Gado nanga e tan getrow na Yeises” (Kon krin 14:12).

“Mi si dati den santa wan musu abi wan dorodoro ferstan fu a tru fu tide. Disi den musu hori fu a Wortu, dati na wan musu sani. Den musu ferstan san na dede; bika den yeye fu didibri sa kon na den. Den sa sori den srefi leki lobiwan, famiri noso mati, di sa sori den sani di no skrifi ini a Wortu. Den sa du alasani di de ini den makti, fu sma waka na den baka. Den sa du wondru fu sori dati, san den e taki, na tru. A folku fu Gado musu de klari fu de teige den yeye disi nanga san A Wortu e taki ,dati den dedewan no sabi noti. Sobi den di sa sori densrefi sofasi, na yeye fu didibri”

EGW (Early writings, p. 262)